山庫全幸

史部

金代粹編卷二至

欽定四庫全書

詳校官編修臣范來宗

刑部郎中野北椿覆勘

總校官檢討臣何思動 校對官中書臣宋初遠 腾録監生臣玉

宫

欽定四庫全書 金佗稡編 提要 成于紹定戊子粹編凡高宗宸翰三卷野王 金化坊故以名書碎編成於嘉定戊寅續編編為辨其祖岳飛之冤而作珂别業在嘉與 編為辨其祖岳飛之冤而作珂别業在嘉 宋岳珂撰珂有九經三傳沿革例已著録是 臣等謹案金作粹編二十八卷續編三十卷 金化幹鄉 史部七 傅記類二名人之屬

多方正是有量 定 綸 議 録十四卷絲綸傳信録者飛授官制劄及三 鍊誣陷每事引當時記載之文如熊克中與 卷天定録三卷籲天辨誣者記秦梅等之 行實編年六卷郡王家集十卷額天辨 傳信録十一卷天定別録四卷百氏的忠 諸事也續編凡宋高宗宸翰撫遺一卷絲 録者則雅經昭雪之後朝廷復爵褒封益 紀王明清揮塵録之類而珂各繫辨証 誣 五


次定四車全事 有為之秋魚復之圖穀城之略豈無一二可 書以賜故亦載馬編首自序稱况當規恢 翰拾遺中舞劍賦乃唇為潭之作因高宗御 實黃元振等所編事蹟以次彙飲者也其家 制百氏的忠録者雅思陣戰功及歷官政績 甫岳琛等辨誣復官告制劉及給還田宅諸 經 省文移衙付天定別録者岳雲岳雷岳霖岳 編於國史及宋人劉光祖等所作碑刻 金化粹編 大

成書故書中脱簡闕文時時而有明嘉靖中 書成人散佚元至正二十三年重刻於浙江 刻本並仍其舊今無從考補亦姑仍嘉晴舊 欽倫求四方 得其殘編斷簡祭互考訂始見 行省陳基為之序又有戴殊後序稱舊本供 平合擊己前時局又漸主戰故珂云爾也 祖豆於斯世檢其所當行稽其所可驗而 祖之蜀狗之已陳云云始開禧敗如之後 端 其 勿

ほりせん

1: 1:

St. Josephita				刻錄之
金代科編		總校	绝蒙古	刻録之馬乾隆四十六年九月恭校上
я.		校官臣陸费揮	總夢官臣紀的臣陸錫熊臣孫士毅	九月恭校上



六藝親藩請史弗界權謀者之舊章雜見可考越自銘 **竢治求而後徹聞書之不可苟傳如此開陽刻經重存** 紙僅得不泯而著書遺礼雖關國大議如封禪者亦必 竹簡悉上送官藏名山而副京師蓋非金鐀石室之故 碍起漢著錄盛唐而後世之潛德幽光或者託植楹之 文不得以並錄一家之記載若可以備史闕矣掘筆 古者傅書有公私之異五十九篇上世之書也則更 金佗稡編原序 こうしょう 金化锌锔

遺以治久集録固多見矣文詞之富著作之工亦惟與 官況當規恢大有為之秋魚復之圖穀城之畧豈無 問百年之血食而推其餘烈考前人之逸事以上之 金万四库全書 酸鹹土炭顏皆者或均取馬盍亦觀諸理而已世固有 重輕於蠟車覆瓿亦出於理之或至者歟嗟厚事病於 孫之用心固不得以責塗人之如已而徇時棄置視 柘棬之澤俱傳于家豈非疏戚緬殊觀覽隨變孝子慈 違時誼信於同欲斷壺而致千金之用人固未必逆 物


故刻傳不疑而豫此於問羅放失之助属世開功名者 之江夏當世名公鉅卿拊膺與懷藏心激烈尚欲作九 之存者大昌章公固當傳而上之朝既碑之襄陽又梓 原而起之也其忍以遺孤之不肖遂即人而廢其言乎 **剱狗之已陳則雖公天下之傅可也珂試守樢李之明** 二可祖豆於斯世摭其所當行稽其所可驗而勿視之 年始刻家世籲天之書于郡塾即漢制佩章之義梓五 **へこう**:元 名之曰金佗惟先王敷在王家名在國史遺蹟 金忙碎编

謹序 或將有考馬耳不然寫琬琰積絲網猶珂之私書也而 多次四库全書 南渡将相肺腑爪牙之臣亦非若曩時馮異仗剱而 宋髙宗承祖宗之緒雖問關播越退保江南然與漢光 何敢辱郡故府之藏嘉定著雍攝提格歲橘涂初吉 者加以重熙累洽之仁漸摩浸漬淪膚浃髓垂二百 不陷尺土者異矣而靖康之敵又非新室亦眉之 旦兩官蒙塵宗社為墟中原父老日夜散戲思宋 珂

次定少草全馬 一明 以其能雪父兄之形光祖考之烈乎今舉垂成之業而 任秦檜故以恢復自任者適足以媒思妓之口以忠貞 與漢室高宗不能因戰勝之鋒用岳飛而徇主和之議 於權臣故回溪之敗馬異之罪小朱仙鎮之捷岳飛之 帝舊物其故何哉盖光武知人明見萬里髙宗舉國聽 功大光武不以一挫之失忌遠圖故異卒以再造之功 不減三輔然光武弟兄徒步南陽左袒一呼盡復高皇 國者卒無以逃銀鍊之禍夫所貴乎中與之主者不 金化碎編

事官經歷吳郡朱元佑重刻且曰西湖書院岳氏故第 行中書平章政事無同知行樞密院事具陵張公命斷 時高宗為太上皇猶及見之吾意其北望舊京必恨不 **詩秦檜以謝天下嗚呼已無及矣編總若干卷今江浙** 飛父子沒餘二十年孝宗受禪其孫珂實始以籲天辨 此孝子忠臣所以讀金伦梓編者未嘗不為髙宗惜也 棄之使馬異君臣專美於干載岳飛父子街寛於地下 録指闕訴上由是治賜墳廟復爵位獨封益禄遺

大王司臣 公司 也宜序而藏諸至正二十三年三月甲子左右司郎中 金性秤編



欽定四庫全書 春三月先臣奏請 絡與四年 李横所守界 **朱金佐梓編** 於深入西賜御礼命先臣母出 先復襄都六郡以圖中原會 岳珂 撰

舊屯駐朕當重寘賞典以旌爾功故兹筆喻無慢我言 十四日 措重使可守禦不致班師之後復有疎虞始可回軍依 收復襄陽數都惟是服者舍之拒者伐之追葬之際慎 勒岳飛枪即忠義之心通于神明故兵不犯今民不厭 無出李横所守舊界却致引惹有惧大計雖立奇功必 兵可無愧於古人矣今朝廷從鄉所請已降畫一今鄉 加爾罰務在遵禀號令而已收復之後安輯百姓隨宜

欽定四車全書 一 向無前孰能樂哉廿一日 教岳雅具省出師奏以卿智勇必遂克敵更在竭力致 報也亦當令卿將佐等知庶可益壯軍心鼓勇士氣所 前制但今光世嚴整步騎以為卿援緩急動息可行關 身早見平定近劉光世乞行措置判襄朕已命卿豈易 臣援復賜御礼 夏五月進兵襄陽克之捷聞廷議猶患其難守 劉光世請指置州襄的不許第令整兵以為先 金忙祥編

教岳飛朕具聞卿已到襄陽李成望風而退朕雖有慰 當用心籌畫全盡之策來上若多留將兵唯俟朝廷干 于心而深恐難善其後此賊不戰而歸其理有二一 里饋糧徒成自因終莫能守適足以為朕憂不知李成 包藏禍心侯仰班師彼稍就緒復来擾劫前功遂廢御 仰紀律素嚴士皆效死故軍聲遠振其鋒不可當一 如何措置糧食偷治壁壘為無劉豫肯為運糧之 賜御礼問方畧 決定四軍心島 之心有勇戰之氣之所致也因以見賊志之小小耳朕 甚慰馬此月九日當降親筆令即係畫守禦全盡之策 具省卿奏李成益兵而来我師大獲勝捷乃卿無輕 喻深宜體悉 厚金幣密遣間探的確具聞盖國計之所在也故兹筆 理今既渡江屯泊何所及金國偽齊事勢强弱鄉可以 先臣為誘敵之計 李成益兵請戰又大敗復賜御礼問方畧及諭 金化华编

要當致放賊師再来併力掩擊勘除而後雖真實少留 權暫少留作守城之夫計其餘設伏而鄉亦少留近境 庶幾不廢前功也將来議定卿若班師將令留人馬亦 齊事勢强弱點集次第想已必達鄉宜籌畫良策来 人馬彼亦不敢有所侵犯也即更籌之朕不遥制 自困之道也卿必有以處馬及密遣問探要知金敵偽 若少留將兵恐復為城有若師徒衆多則饋鉤疲勞乃 金牙口居有量 冬十一月敢合兵大樂入冦邊報急賜御礼

兹忠客宣侯訓言深念勤勞往加無問 とこうこ 我武務深得於敵情既見可垂之機即為樹虚之計 近来准上探報緊急朕甚憂之已降指揮督仰全軍 卿到終不安心卿宜悉之 **卿風有憂國愛君之心可即日引道無程前來朕非** 義勇之氣震怒無前長驅濟江威聲遠暢宜奮揚於 先臣提兵東下 十二月提軍超合肥賜御礼無問 111 食と卒品

致成 就議也二十三日 防秋不遠若此冠既平則可以專意行敵更宜多等 並濟綏靖一方聞卿到彼措畫得宜朕甚嘉之然今去 近得奏知即已至潭州時方風暑将士良勞朕以湖 一動完四庫全書 一冠通誅累年故特委卿為且抬且捕之計欲使恩威 功此朕所望於鄉者其他曲折張浚既至軍前 紹與五年 夏四月奉韶平湖冠楊公至長沙賜御 札 湘

一欽定四車全書 計之熟矣或有陳請可具奏來 圔 嘉靖使朕恩威無暢厥功茂馬腹心之患既除進取之 更宜經輯以安東情措置得宜彼自馴擾浚必已與 以平積年嘯聚之黨於旬朝指顧之間不煩誅夷坐獲 比得張浚奏知湖湘之冠悉已肅清舒朕顧憂良用於 恆非鄉威名冠世忠畧濟時先聲所臨人自信服則 可議細思規畫嘉數不忘然恐招撫之初人懷及 八月大破楊么等冦湖湘悉平賜御札褒寵 金化秤編 五 側 何

警報而緩圖之事不素定難以應粹鄉其用心體國萬 得力人間探無使冠攘窺何即今動息如何英謂未有 敢岳飛武昌控制上流淮甸只隔一水 可多方指置遣 具的實動息奏來十四日 有警當極力桿樂乗勢掃戮無少跳虞即卿之功日 绐與六年 春記年臣張浚出視師賜御礼 湖湘平還屯武昌賜御礼戒先臣豫備 次七四年全等 一 雲霓之孫望母窺近效有害成功必使部伍無詳田間 柱石之資總龍虎之東居懷愤激期于蕩平然念王者 不擾副我撫綏之意共成戡定之功舍爵策勲朕不敢 之師本於伐叛天下之将專以精民伴號令之申嚴慰 痛心十年于兹終食屢欺令委宰輔督護我的而卿以 **鞭報兩官遷越之儲極百姓流離之苦坐新當膽疾首** 基而姦充未銷尚憑陵於方夏殆欲親家夫石身属秦 朕以寡昧之資履難之運雖風宵自勵難恢復於不 金化锌編

價有幾會無或後時所冀二聖還歸故疆恢復用副朕 朕以父兄蒙塵中原陷沒痛心當膽不敢追寧已命 忽故兹親筆卿宜悉之 臣往專經畫正賴爾等深體此懷各喬精忠勉圖報效 グロル 日眷待责成之意 張浚既出視師復賜御礼申諭眷倚之意 月督府議進屯以圖中原先臣遂移鎮襄陽 御礼令勉諭將佐 相

次定四車全書 一 臣大義國爾忘家移孝為忠斯為兩得已降制命趣卿 比関軍中奏知卿在遭內製侍注之深良用震怛然 庶克位濟有功必報朕不汝忘賜岳飛并本軍將佐等 朕惟國之用武必據形勝以為地利今西南之重實占 意敦喻將佐撫勞士卒勉思忠義戮力一心叶賛事幾 一将既已委卿移屯要害深圖戰守之計卿宜以朕此 復 三月丁母周國夫人姚氏憂賜御礼趣先臣起 金陀粹編

一或不處致誤國事亦即按劾以聞邦有常刑朕不敢貸 服垂吏士銳氣念家國世鄉建立殊數以遂揚名顯親 司措置鉤運不擾而辨者卿可具名来上當議裏握 朕將追大兵控臨邊境軍須調度不可愆時應守令監 '美斯孝之至也故兹親筆該悉至懷 復卵宜體幾事之重暑常禮之煩無用抗解即抵信 命按舉功卑以寡賞罰 秋先臣將按邊朝廷患給的者不時至賜御礼

兵之在遠者自當日下抽還赴此期會想即不以被疾 逝 自調攝其他細務委之僚佐而軍中大計須卿決之 邊報甚急累降的旨促炯提兵東下卿宜體朕至懷善 たこうえ)張浚奏知卿病目已差醫官為卿醫治然戎務至繁 一志國事朕將親臨江滸兵卿好悉之 常馳至軍療脈賜御礼勞問且趣其師 時先臣目疾甚張浚以聞記遣僧中印皇甫知 九月還至武昌偽齊兵犯淮西有詔提軍東下 214.5 食也草寫

請無益也故兹親筆以示眷懷 苦不至妨軍務否近差醫者疾歌往卿所省視卿宜省 從長措置卿之大軍未須遽發也如聞卿果以目疾為 思慮慎樂倒安静調養至於求閱之請非朕所知雖累 比屢治卿提兵東下今淮西賊適未有他警已諭張浚 金穴四犀生書 前站未拜先臣已力疾提軍至九江奏至玉音 目疾 淮西寇已通賜御礼止先臣東援之師且勞問

一覽奏知卿出師漢上規模素定必不徒行方冬遠涉將 置亦鄉平日之志也故兹親治鄉宜知悉 見之良用嘉數今淮西既定别無他警卿更不須進發 其或襄郊陳蔡有機可乗即依張浚已行事理從長指 卿目疾小愈即提兵東下委身徇國竭節事君於卿 冬先臣奉詔遂出師襄漢賜御礼 獎且命為乗機進取之計 宣谕輔臣以先臣有尊朝廷之義復賜御礼嘉 金 电淬编

冒犯想徒御之勤勞深副簡知自宜神相胀當食而嘆 銀定四庫全書 **士良苦仰更動加無勞用副朕意** 中夜以思非我忠臣莫雪大恥所祈勉刀用究遠圖卿 目疾通来更好安否故兹親諭想宜悉之 卿志存憂國義專報君式總兵戎再臨襄漢顧霜露之 東會淮西有警遂還至是復與偽齊戰于何家 師至襄漢賜御礼撫問且諭以勉力遠圖之意 初先臣下商號至長水得糧凡十七萬俘獲甚

九三丁戶 公言 朕旷堂者卿其勉旃 敢但使先聲後實我武既揚將見左枝右捂敵人自病 卿學深籌略動中事機加兵宛葉之間奪險松柏之塞 方申嚴漕輓督責計臣伴遠赴於師期庶士無於飢色 仍停甲馬就食糗糧登聞三捷之功實冠萬人之勇朕 其勝敵益戒用心愈剛毋少狃於前勞用克當於-前功 寨于白塔于牛蹄皆大捷賜御札獎諭且申述 金化梓編

五日 合鐵簡 戰鞍縛鞍各 金分四個百十 "借助人力今降樣去可依此製造盡改舊樣不用 軍中見用長槍似木盡善此物須是銛利勁决即用 れ 降槍樣至軍中賜御礼 十二月大雪苦寒遣賜器物傳宣撫問無賜御 一對賜鄉至可領也 對龍涎香一干餅龍茶一合靈寶丹

足二丁豆 與寬除天日所臨朕言必信故兹親筆所宜悉之 體國率東来歸當議因其官爵更加褒龍罪無大小悉 而從敢實權時以保民罪由朕躬每深自咎儻能懷忠 惟中原官吏皆吾舊臣迫於敵威中致終絕宣棄 卿可作恭被親筆手詔移檄中原州縣官吏 紹與七年 音機諭 春既下詔招陷敵官吏乃賜先臣御礼令以德 7.4.7 金化祥編

意 金庆四年全書 不各罪無大小一切寬貸鄉可多遣信實之人宣諭朕 豫親黨有能察時順理以東来歸自王爵以下皆所 世罷兵未知所付聖意屬先臣議既定賜御礼 復賜御礼命先臣抬諭倘齊親黨 三月先臣扈蹕至建康召至寢問玉音宣諭曰 中與之事朕一 令付王徳等 以委卿先臣順首奉的時劉升

魔奏備悉俟卿出師有日别降處分淮西合軍頗有曲 從優厚聽飛號令如朕親行儻違斯言邦有常憲 陷然時不可失所宜同心協力勉赴功名行賞答勲當 委岳飛盡護卿等盖將雪國家之恥拯海内之窮天意 **朕惟兵家之事勢合則雄卿等久各宣勞朕所眷倚今** 先臣既奉韵復抗疏論恢復大計時秦槍力主 光世軍從中沮挠前議遂寢乃賜御礼 和議聞先臣将合師北討懼其成功謀奪所領

た巴口馬八百

金作粹編

之兵方可給付仍具知稟奏来 金方四月全書 奏制復還卿國事至重要當子細商量期於有濟可速 折前所降王德等親筆須得朝廷指揮許卿節制淮西 發見張浚仍具奏来 先臣至督府與張浚論劉光世軍力言張俊吕 祉王德皆不可付恐士心不服或以致變泼疑 御札慰諭且封選奏劄 其有自營得軍意先臣乃即上章乞解兵柄賜

疑定四車全書 一个 哉張浚已過淮西視師卿可並往商議軍事勿復再有 陳請今封還元奏故兹親筆宜體至懷 淮正赖日夕措置有以待之卿乃欲求閒自便豈所望 朕方侍卿以恢復之事近者探報賊計狂狡將窺我兩 再覽来奏欲持餘服良用愕然卿也勇冠世志在國家 賜御礼再還元奏 先臣懇免不止詔遣中使宣詣張浚所議軍事 先臣復上奏懇免乞持餘服賜御礼封還元奏 · 允祥編

請 於卿者良深嘉數國家多事之際卿為大臣所當同恤 豫附卿其勿事形迹以濟功勲今再封還来奏勿復有 見遣中使宣卿赴張浚處詳議軍事傅曰將相和則士 比降親筆衛朕至意再覽卿奏以渾瑊自期正朕所望 先臣議事畢奉治還也復上奏以為賊豫逋誅 除腹心患色不假濟師止以本軍進取賜御 叛據中土歲月滋久民困日深宜及時攻取

火色の巨小馬 注意 敢忘于心正賴卿等垂機料敵力圖大功如卿一軍士 馬精銳紀律修明鼓而用之可保全勝卿其勉之副朕 柳来奏備見忠誠深用嘉歎恢復之事朕未當一日 先臣招捕 誤不服遂殺吕祉以全軍叛降偽齊賜御礼諭 秋七月張俊楊沂中之古至淮西酈瓊等果大 褒諭 金伦粹編 古四

朕心嘉歎無已 朕已降的開諭指撫魚遣大兵如無歸意即行掩捕卿 宜知悉比覽裁減官吏奏狀知卿體國愛民之意深契 廷欲分其兵馬遂懷反側不能自安於八日有衆叛去 國家以疆場多虞已及防秋比降指揮除張俊為淮 金月日及日章 宣撫使楊沂中為制置使而廬州統制官酈瓊意謂朝 金伦粹编卷 西

とこうき シニラ 欽定四庫全書 髙宗宸翰中 金佗粹編卷二 紹與七年 北鄉復上奏請建都上将以瞰中原以示聖 意之所鄉會淮西軍變因賜御礼報諭今挨機 先臣前奏乞以本軍進討劉豫既奉詔方整兵 金作样编 岳珂 撰

金庆四年全書 議者謂朕當不常厥居使敵人莫測建康臨安以時往 近者張浚謀之不賦淮西兵叛事既異前未遑亟舉而 得與卿面言卿其益勵壯猷副朕責成之意 来固不害為恢復之圖也唯俟幾會以决大策地遠不 民力以養兵訓戒恢復之事未當一日少忘于心但以 如来奏備見愛君忠義之誠朕懷國家之大恥竭盡 先臣奉站不復出師第行邊備守朝廷猶以上

たこの豆 馬訓練整齊常若冠至斯陽江州兩處水軍亦宜遣發 事宜可容奏来朝廷以淮西軍叛之後每加過慮長江 卿威秋之際提兵按邊風霜已寒征馭良苦如是別有 以防意外如卿體國豈待多言 一帶緩急之際全籍卿軍照管可更戒的所留軍 **仰礼無問且遣 馴使煎勞宣諭聖意** 先臣奉詔以舟師屯九江為淮浙聲援既至賜 流為慮賜御礼令先臣飭備 A. de 金陀粹編

遣江諮賜卿茶樂酒果及燕搞将士仍令諭朕委曲之 比降古令卿領兵應援淮浙庶幾王室尊安中外寧諡 金月四月全書 意卿其悉之 卿即日就道已屯九江憫勞跋履之勤良用嘉歎今 紹興八 言敵情不可信和好不可恃相臣謀國不城恐 秋奉韵入覲時全人方議通好先臣因賜對力 貽後世譏議及還屯飭備益嚴已而卒許敵和 八年

次足口戶心等 之戒以圖永久安固付此親礼想宜知悉 當謹的邊備切宜體朕此意益加訓練兵馬常作不虞 哲前來議和朕以梓宫未還母兄宗族在遠風夜痛心 不免屈意商量然皆卿等戮力練兵國威稍振是致敵 人革心如此卿等之功朕豈可忘若境上来復自今尤 朕昨與卿等面議金國講和事今金人已差張通古前 朝廷得金人書歸我河南地賜御礼報諭歸功 賜御礼報諭因其戒謹之意復寓聖訓 金化粹編

金月四月日 城此皆卿等扶危持顛之效功有所歸朕其可忘尚期 止是军執代受書中無 今月二十七日已得大金國書朕在該陰中難行吉禮 飭備以保全勲故茲親札各宜體悉 紹與九年 先臣 朝廷以金好方密賜先臣御礼令毋得過界拍 納 卷二 須索止是割還河南諸路州

たとりし 約束丁寧詳盡今後雖有三省客院文字亦須繳奏不 昨因敵使至應傳播不審妄謂朝廷專意議和是用累 得遣發付此親礼想宜體悉 降古嚴的邊備近據諸路探報敢人舉措似欲侵犯 朕委任卿嚴飭邊備唯是過界招納得少失多巳累行 謀精審不在多訓更須曲盡關防為不可勝之計 紹與十年 朝廷得諜報全人果有意叛盟賜御礼令飭備 A ST 金陀碎编 四

覽鄉来奏欲赴行在奏事深所嘉歎況以式事之重極 欲與鄉相見但敵兵在近事機可乗已委卿發騎兵至 乃萬全朕比因傷冷作疾凡十日不視朝今則安和無 ·愿贻卿遠憂故兹親詔想宜知悉 許光蔡出竒制變因以應提劉錡及遣舟師至江州 臣乘機破敵仍問至計 機容會已招與諸大即進兵賜御礼不許趣先 夏五月金人大舉入冠先臣聞誓即奏乞面陳

謀深愿遠必有投機不可淹緩之策可親書密封急置 屯泊候卿出軍在近輕騎 金人過河侵犯東京復来占據已割舊疆卿素藴忠義 想深愤激凡對境事宜可以乗機取勝結約招納等事 可悉從便措置若事體稍重合稟議者即具奏来付卿 上朕所虚行也遣此親礼想宜體悉 札令乗機措置招納 時河南盡陷復詔赴先臣與諸大即進兵賜御 金忙掉編 一来庶不發事卿憂國康

100

こう

到 好四月 全書 拉噶 孤軍不易支吾已委鄉發騎兵策應計已遣行續報薩 金 親 札想宜體悉 、背約烏珠見據東京劉錡在順昌雖屢有捷奏然 勢相接況卿忠義謀畧志慕古人若出銳師邀 犯同州郭浩會合諸路扼其奔衝卿之一 師 赴敵未至復賜御礼命應援關陝河 劉錡據順昌以抗金先臣奉詔即遣張憲姚政 卷二 1F 軍 ソソ 圖 與 京 两

札想宜體悉 **欠足四軍全馬** 勢猖狂少落姦便不得項刻住滞六月六日已時 劉錡在順昌府择樂金兵雖屢殺獲其兵勢源源未已 其中左可圖復京師右謀援關陝外與河北相應此乃 依已降詔古多差精銳人馬火急前去救援無致敵 興大計鄉必已有所處唯是機會不可不乗付此親 先臣既遣張憲姚政至順昌光蔡援劉錡具以 奏聞未至六月復賜御礼趣遣兵 金性粹編

想宜體悉 擊非輕卿當體國悉力措置無致少失機會付鄉親 金月四月 敵勢縁銷首與敵人相角稍有挫如即於國體士氣所)降指揮委卿遣發軍馬往光蔡以来策應劉錡以分 卿奏已差發張憲姚政軍馬至順昌光蔡深中 陳機審賜御礼不許今併力破敵 先臣遣張憲姚政之奏既至因復請請在所面 先臣之奏未至復賜御礼趣遺兵 相量 機會

金人再犯東京敵方在境難以召卿遠来面議令遣李 於定四車全替 一 緒輕騎前来奏事副朕虚行也付此親礼想宜體悉 在淮上已降指揮委卿統兵併力破敵鄉可疾速起發 垂此盛夏我兵得利之時擇利進取候到光蔡措置有 卿乞赴行在所奏事甚欲與卿相見縁張浚親率大兵 之意 前議事賜御礼令先臣審處機會且諭以委任 記以先臣屢請覲慮好乗機驛遣李若虚話軍 金伦粹编

累降招青令發精銳人馬應援劉舒令順昌與敵相對 若虚前去就卿商量凡今日可以乗機禦敵之事卿可 夏我兵所宜至秋則彼必猖獗機會之間尤宜審處遣 輕兵擇利其施設之方則委任鄉朕不可以選度也盛 親札枯不多及 等畫措置先入急遞奏来據事勢其須重兵持守 濟師 朝廷以順昌為憂復賜御礼趣已遣之兵仍令

处已日屋公子 或更益其數星夜前去協助劉錡不可少緩有失機會 日久雖屢殺獲恐人力波因不便鄉可促其已發軍馬 體朕此意仍具起發到彼月日奏来六月十二日 獨念聖眷優渥不敢爱身思欲盡言以報至是 金再叛盟先臣灑泣属眾即日此討将行數請 偉退而戴曰中與基本其在是乎時儲極虚位 天下寒心權臣媚忌人言在廷莫敢倡議先臣 初先臣召對罷請資善堂見孝宗皇帝英明雄 金化锌编

慮精深為一時智謀之將非他人比兹者河南復陷日 覽卿親書奏深用歎嘉非忱誠忠讀則言不及此卿識 金分四届五重 當然比遣兵渡淮正欲客備變故果致做擾劉錡戰 都 奏至宸衷感悟賜御札褒嘉會劉舒戰退三路 親書奏上之大畧以為今欲恢復必先正國本 以安人心然後不常厥居以示不忘復雠之志 面陳冀以感動上聽會記趣進兵不許乃容為 統龍虎等軍因諭先臣以掛虚斷後之策

九 巴口声 二十 曾諭肯今首以詔卿蔽自朕意想宜體悉十一日 建不世之勲垂名竹帛得志之秋宜决策於此他處木 置務在取勝用稱引望已進鄉秩并有處分想已達矣 斷後取援攻守之策不可稽留兵難逼度卿可從宜措 **爾之念卿可附近垂此機會見可而進或持角掛虚或** 退三路都統龍虎等軍以捷来上顧小敵之堅深彰止 賜御札褒嘉仍諭以進取之計 先臣得順昌府陳規所申復親提兵進援奏至 金伦粹编

劉錡在順昌屢捷烏珠親統精騎到城下官軍鏖擊狼 六月終一切了畢候措置就緒卿可輕騎一来相見也 州韓世忠措置宿州准陽軍卿可乗機進取陳蔡就閏 退若不垂時措置恐他時愈見費力已令張俊措置亳 前去指置可見卿忠義許國之誠嘉數不已今敵兵雖 覽鄉六月二十二日奏得順昌府陳規所申見親提兵 兵乗機決勝 劉舒既又戰退烏珠等軍復賜御礼趣先臣進

金月四月全書

人こうと 無已朕意初欲擒取渠魁庶幾羣黨自潰兩國生民有 覽仰奏提兵已至 蔡州署行勞勘益見忠誠許國嘉欺 三更 依累降處分馳騎兵兼程至光察陳許問須七月以前 非我軍之便卿天資忠智志慕古人不在多訓十九日 垂機次勝冀有大功為國家長利若稍後時弓勁馬肥 **狽適去今張後提大軍在淮西韓世忠輕騎取宿鄉可** 提兵至蔡州賜御礼撫勞仍諭聖意 金七华病

之宜輕重緩急盡以委卿朕不從中御也初三日 忠義許國深所嘉歎然須過為計應敵懷畫毒恐至高 秋馬肥不測豕突當使許蔡遺民前期保聚大軍進退 覽卿奏克復賴昌已離蔡州向此指置大的引先士卒 審處所宜廿八日 息肩之期然軍情敵勢必已在卿目中遲速進退卿當 **鈖埞匹庫全書** 北賜御礼嘉與仍諭以委寄之意 閏六月張憲復賴昌府先臣親即大軍去蔡而

飲定四車全書 一 事難以喻度遲速進退朕專付之卿也已差中使勞卿 覽卿奏知己遣兵下鄭州自許陳蔡一帶形勢皆為我 珍減殘敵嘉歎無已然敢計素挾祖詐雖其姦謀不能 有又大軍去敵寨止百餘里想卿忠義許國之心必期 卿所料更在明斥張謹間課無機擇利必保萬全兵 勞仍寓聖訓 舉兵過蔡所鄉破竹軍聲大振又遣楊成復鄭 州張憲復陳州捷聞賜御札獎諭且遣中使宣 金忙碎編

今正賴將佐竭力奮死助鄉報國以濟事功理宜先 朕當聞仰奏稱王貴張憲徐慶數立戰效深可倚辨 以在賞之其王貴等各賜無金線戰犯一 可以委之係屬即便就途遣此親礼想宜體悉 白ジャル 軍未到問鄉有所欲前期奏来入難無平晚但軍事 至可給付也十二日 先臣因奏捷歸功諸將會遣中使招賜王貴等 祀 带各一 以褒其功賜御礼命先臣給付 領金束帯 有 す

欠じり見から 腹背之顧在卿方畧随宜處畫股久欲與鄉相見事軍 境今已入秋預當嚴備以防豕突熬顧舊隸京西今專 鄉措置當分兵将也守防打并謀絕其糧道使敢有 卿奏提兵在道署行勞勒朕念之不忘狂敵尚在近 来為佳餘候面議遣此親礼想宜體悉 烏珠與其龍虎大王等會于東京議以為諸帥 頳 先臣進兵鄄城賜御礼無問仍令措置屯守蔡 金化锌钨

進止敵或時遣輕騎来相誘引但挫其鋒勿貪小利 金分四月月重 其說計俟有可無之隙約定期日合力並舉以保萬全 誘致王師相近汴都併力一戰卿切須占稳自固同為 近據諸處探報及降敵面奏皆云烏珠與龍虎議定欲 隙並舉 朝廷得謀報大以先臣軍為慮鱼賜御礼令侯 皆易與獨先臣孤軍深入且 有河北忠義響應 之援其鋒不可當欲誘致其師併力一戰於是 馇


二十七日 とこする 韓清復西京趙俊復趙州孟邦傑復南城軍梁 秋七月師在賴昌先臣以輕兵屯于郾城張應 與董榮復絳州垣曲縣遂復王屋李寶孫彦戰 武大將軍韓常之兵冠郾城先臣即戲下迎擊 烏珠併兵于東京復以其盖天龍虎大王及昭 于曹州于宛亭縣于渤海廟皆大捷中原震響 大破之烏珠復收兵求戰又大敗殺其大首野 /. L. . 金心降海


去牽制開劉舒亦已進至項城鄉當審料事機擇利進 其衆朕心深所傾屬已遣楊沂中悉軍起發自宿亳前 東侵犯已獲勝捷卿以忠義之氣獨當强敵志在於減 一覧卿七月五日及八日兩奏聞敢併兵東京及其將率 退全軍為上不妨圖敵又不墮彼姦計也遣此親礼該 **到定四庫全書** 體悉 郾城屢勝烏珠飲兵退却捷繼至復賜御礼 爾多貝勒賜御礼嘉獎 7 卷:

覽卿奏八日之戰 敵以精騎衝堅自謂奇計卿遣背鬼 劉錡相約同之屢已喻鄉不從中御軍前凡有所須 向卿料敵素無遺策進退緩急之間可隨機審處仍與 懷此已遣楊沂中全軍自宿四前去韓世忠亦出兵東 游弈迎破其鋒战其將領實為雋功然大敵在近卿以 とううえ 軍獨與決戰忠義所奮神明助之再三嘉斯不忘于 奏來七月廿二日 諭申述前功 7.1. 金心神 古

金完四庫全書 城西敵東大敗殺烏珠之子婿統軍上将軍夏 鎮烏珠收潰兵對壘而陳先臣亟奏乞乗機破 與至東京而死中原大震先臣乗勝進兵朱優 印七鈕以獻烏珠僅以身免副統軍是為重創 金吾等凡六人俘馘萬計得其雪護闌馬及金 攻頓昌先臣命臣雲以背嵬援王貴戰于頓昌 騎至小商橋與敢遇大破其師烏珠情其敗遂 烏珠兵十二萬退屯臨顏小校楊再與以三 百 P.

·於定四車全事 一門 遣此親礼想宜體悉 廷自敢中逃歸 有所見事宜今録本付卿亦欲一知也 滅如姦謀詭計尚有包藏諒鄉亦能料敵有以應之楊 義之氣通于神明谷敵與邦唯卿是賴已令張俊自准 西韓世忠自京東擇利並進者敵勢窮感便當乗機珍 覽卿奏鳥珠見聚兵對壘即欲乗時破減渠魁備見忠 減渠魁以復故壤賜御礼報諭仍寓嘉數之意 金作粹編 士玉





金河口尼石潭 議受降且進取兩河響應指期成功秦槍主和 卒用命天時人事强弱已見時不再来機難輕 巢穴盡聚東京屢戰屢奔銳氣沮喪得間探報 議懼得罪于敵亟請班師先臣抗疏以為敵人 破之烏珠奔東京時大軍去京纔四十五里方 鎮先臣按兵不動第遣将以背鬼五百奮擊上 失臣日夜料之熟矣惟陛下圖之奏至宸東感 烏珠已盡棄輜重疾走渡河沉今豪傑鄉風士

たこうら 沂中劉錡同共相度如有機會可乗約期並進如且休 止以觀敵釁亦須聲援相及楊沂中已於今月二十 國言詞激切朕心不忘卿且少駐近便得地利處報楊 起發卿可照知遣此親礼該宜體悉 鄉十八日奏言措置班師機會該為可惜卿忠義許 前站未至諸大即各已退師秦檜復請休兵觀 進止 悟賜御札令少駐近便得地利處報諸帥同為 /.. h./~ 金作样編

牽制之勢俟諸處同為進止大計無應然後相見未晚 陽城下楊沂中已往徐州卿當且留京西伺敵意向為 比聞卿已趣裝入覲甚慰朕虚付欲見之意但以鄉昨 一金定四庫全書 在京西與敵接戰遂遣諸軍将角並進令韓世忠在淮 奉治還自朱優鎮将朝于在所會韓世忠在淮 札今駐京西牽制 陽楊沂中往徐州朝廷應敵軍襲其後復賜御 蒙亞越先臣退一日而奉金牌者十有二先臣

大三日日 公言 昨以韓世忠出軍准陽委卿留京西為牽制之勢今聞 見之切軍事足得面議遣此親礼該深體悉 卿已至廬州世忠却已歸楚卿當疾馳入覲以副朕佇 也遣此親礼諒深體悉 紹興十一年 春正月課報烏珠韓常将入寇先臣聞警即上 先臣還至廬州始奉牽制之詔而韓世忠已還 軍於楚州賜御礼報諭令疾馳入覲 金作祥編

今日以卿忠勇志吞此敵當即就道付此親礼卿宜體 金分四届全書 應出其前後使敵腹背受敵不能枝梧投機之會正在 劉錡等見合力措置掩殺卿可星夜前來江州垂機照 據探報敵人自壽春府遣兵渡淮已在廬州界上張俊 至賜御礼令先臣以兵至江州 疏乞會諸帥兵破敵願以身為先驅既遣奏整 虎大王先驅渡淮二十五日乙丑駐廬州界報 兵以俟命未至十五日乙卯鳥珠韓常與其龍 卷三

悉 くこうこ 出此貴得不拘使敵罔測未至賜御礼趣出兵 議攻却且敵知判鄂宿師必自九江進援今若 坐制其敝既遣奏又欲亟追敵師是日再抗 國入寇巢穴必虚若長驅京洛敵必奔命可以 寇方在近未服遠圖即乞且親至斬黃相度 日今敵在淮西臣若據虚勢必得利萬一以為 二月四日癸酉先臣在郭未奉前詔念敵既舉 1.1 金七件偏

比以金兵侵犯淮西已在廬州張俊楊沂中劉绮見併 合力擊敵早夜以俟卿忠智冠世今日之舉社稷所繫 後腹背擊敵機會在此朝夕須報再遣親礼想宜體悉 功副鄉素志卿可星夜倍道來江州或從靳黃鏡出 力與敵相拒已親礼喻鄉無此機會提兵合擊必成大 犯淮西與張俊和州相拒已遣親礼趣卿倍道前來 出兵 前招未至敵已迫和州七日两子復賜御礼

銀定四庫全書

卷:

貴在神速少緩恐失機會也再遣手礼卿當深悉七日 發親札卿得之必已就道今遣張去為往喻朕意鄉更 須魚程無站後時之悔諒卿忠智出於天性不俟多訓 與敵相拒韓世忠出兵濠上卿宜倍道共乗機會前所 敵冠聚于淮西張俊楊沂中劉錡已於和州巢縣下寨 中使張去為至先臣軍賜御礼趣出兵 九日戊寅先臣始奉出兵江州之詔下令以十 1 1 1 日康辰就道且以奏聞未至十日已卯韶遣 包世华高

多定四庫全書 賣神速不可失機會也再遣親礼想宜體悉 b 卿若乗此機會亟提兵會合公成大功以朕所見若卿 不已今敵犯淮西張俊楊沂中劉錡已併力與敵相 兵自斬黃絕出其後腹背擊敵心為良策卿更審度兵 得卿麦欲合諸即兵破敵備見忠誼許國之意嘉欺 先臣時以寒嗽在告庚辰力疾發鄂渚會所乞 合諸帥兵破敵之奏始至賜御札褒嘉 拒

钦定四車全書 一 成功非卿不可若一舉奏功庶朕去年宥家之詔不為 虚言況朕素以社稷之計倚重於卿今機會在此晚夕 以付出師之報再遣此礼卿宜體悉十五日 今據歸正人情說金人梟 勇之將皆在淮西朕度破敵 破敵人諒卿忠慎許國之心必當力踐所言以據素志 比屢遣手札并面諭屬官仍遣中使趣卿提兵前来共 出兵 朝廷得歸正人所報十五日甲申復賜御礼趣 金作梓編

斯黃徑 題壽春出其軍後合力 勒除 出渠則天下定矣 銷孝顯忠等皆已與敵對壘鄉須親提到兵星夜前来 之報覽二月四日奏備悉卿意然事有輕重今江浙駐 **雖敵騎近在淮西勢所當先兼韓世忠張俊楊沂中劉** 屢發手詔及毛敢書張去為繼往喻古朝夕需卿出師 先臣癸酉之奏始至時朝廷亦欲亟過敵師賜 御礼報諭今姑銀京洛之策 先臣始沓奉前韶乃盆疾赴以行十七日丙戌 火足可事 白馬 勝嘉歎再遣親礼卿宜體悉十七日未時 於九江以鄉天資忠義乃心王室該惟昼夜籌畫必思 張俊相應大事何患不濟中與基業在此一舉覽奏不 得卿奏欲躬親前去靳黄州相度形勢利害貴得不拘 有以濟國家之急若得卿出斬黃徑擣壽春與韓世忠 想卿聞此即便就道再遣親礼宜深體悉 奏始至復賜御礼嘉與 是日既韶今緩京洛之策而先臣乞出斬黄之 金忙祥編

諸頭領盡在廬州接連南侵張俊楊沂中劉錡等共力 其歸路劉光世悉其兵力委李顯忠吳錫張琦等奪回 攻破其營退却百里之外韓世忠已至濠上出銳師 見苦寒嗽乃能勉為朕行國爾忘身誰如卿者覽奏再 得即九日奏已擇定十一日起發往斬黃舒州界聞卿 三嘉歎無戰以卿素志於敵常苦諸軍難合今烏珠與 金月四月 百十 且申述先臣初奏會兵破敵之意 九日戊子先臣出師之奏始至賜御礼嘉歎

とこうこ 須體悉十九日二更 所請委趙伯牛以伯牛舊當守官湖外與卿一軍相諳 後時之悔江西漕臣至江州與王良存應副錢糧已 妥也春深寒暄不常卿宜慎疾以濟國事付此親札卿 老小孽畜若得卿出自舒州與韓世忠張俊等相應可 如卿素志惟貴神速恐彼已為適計一失機會徒有 先臣出師靳黃親以背嵬先驅疾馳入蘆州烏 懲賴昌之敗 聞軍至舉 管育通韓常亦以長 金七年高

長措置敵人者未全退或已退復来接戰即當乗其既 在村復得之則盡行平荡使敵不得停迹以除後患則 **到定四库全書** 韓世忠奏已親提兵自豪往壽春府卿可約與相見從 聞敵人已過壽春卿可與張俊會合率楊沂中劉舒並 卿此来不為徒行也有所措置開具奏来一日 賜御礼諭先臣令平荡壽春 葛乞降之舊先退兵渡淮三月一 朝廷得韓世忠奏復賜御礼趣先臣會合平荡 日庚子報至

敗痛與勒戮使知懲畏若已退不復来即壽春順昌皆 濟不致二三也遣此親礼諒宜深悉 平為淨盡免其後来之害以卿體國之意必協心共 警以四日癸卯夜發舒州進援朝廷得警奏十 先臣軍在盧州烏珠韓常已通得張俊報敵已 烏珠聞先臣退師用鄰瓊計復窺豫州先臣聞 渡准盡絕乃還軍舒州具以奏聞且候進止會 日庚戌賜御礼趣出兵 金七华的

銀定四庫全書 此已行下諸漕為卿一軍辨糧草不管闕乏付此親礼 審度事勢以圖壽春盧通水運而諸路漕臣皆萃于彼 淮上以卿忠智許國聞之必即日引道切須徑赴廬州 烏珠再窥濠州韓世忠張俊楊沂中劉舒皆已提軍 卿須體悉十一日未時 軍至糧草不乏又因以屏蔽江上軍國兩濟計無出 先臣還舒之奏始至乃賜御札嘉與先臣恭謹 先臣已先詔出師援濠朝廷猶未知庚戌之夕 卷1 三1 飲定四声全事 功此一機會不可失也盧州通水運有諸路漕臣在彼 糧直趙壽春與韓世忠等夾擊可望擒殺烏珠以定大 州韓世忠已與張俊楊沂中會于濠上劉錡在盧州柘 一得卿奏知卿屬官自張俊處歸報敵已渡淮卿只在舒 深為得體朕所嘉歎據報鳥珠用雕瓊計復來窥何濠 州聽候朝廷指揮此以見卿小心恭慎不敢專郵進退 一带屯軍卿可星夜提精兵裏糧起發前來蘆州就 /節而趣令夾擊以定大功 金化秤編

得卿奏卿聞命即往盧州遵陸勤勞轉的艱阻鄉不復 運糧急遣親礼卿切體悉十日二更 通夜瑜淮不能軍時朝廷方得先臣發舒州之 奏乃賜御礼嘉與且前以適中機會之意 敢王德救之而免鳥珠方據深聞先臣将至復 連鎮去濠六十里不能救楊沂中趟濠城覆于 先臣自舒州疾馳以十三日辛亥至定遠縣鳥 珠先以八日丁未破濠州張俊以全軍駐于黄

たこり豆 窥凛州韓世忠八日乗捷至城下張俊楊沂中劉錡先 平也中與敷業在此一舉卿之此行適中機會覽奏再 三嘉斯不已遣此與諭卿宜悉之 两 **顧問必過其行非一意許國誰肯如此據探報烏珠復** 日盡統所部前去會合更得鄉一軍同刀此敵不足 臣既獨以孤軍駐定遠而敵已悉通乃復還軍 四州還姓而俊亦以十四日癸丑還軍滁州先 先臣得張俊報韓世忠先以四日癸卯自招信 \. 1.1.7 金化纤编

忠想卿忠義體國公以宗社大計為念無分彼此劉 **濠州與敵相拒獨力恐難支梧界奏告急卿智畧有餘** 之苦道路登涉乏勤朕心念之不忘比以韓世忠尚在 界得鄉奏往来盧舒問想極勞勘一行將士日夜暴露 金分四届全書 可為朕籌度擇利提師一出漂專問牽制敵勢以援世 軍已專令問道先行張俊楊沂中亦遣兵前去并 日丙辰復賜御礼令先臣出濠壽牽制 且具以奏聞未至朝廷以未知世忠選楚十七

次定四事 全事 卿知十七日 家監為盛典中經權臣之禍歸之有司屬當更化首 簡在上心中禀成算故雲章全畫輝映日月藏之臣 至於旌麾所指两河響應謁視陵寝恢拓版圖無非 還諸孤於嶺表且以軫念先臣不忘之徳意屬于孝 强敵內平劇盗力復京西之境土智掃中原之產勉 北伐景命重集而先臣雅奮自畎畝首蒙異知外抗 臣珂跋臣仰惟高宗皇帝天錫神武紹開中與南征 金伦粹编 <u>+</u>

金万里屋人量 纂輯次第端拜摹刻凡為詔礼七十有六若淮西始 恨没地臣生街預霜之東重佩易實之訓追述先志 心目臣父是用寅奉朝夕屢欲刊之琬琰以詔亡窮 草陰宿雲将旦澄露粲然復都青天萬象呈露吳眩 宗皇帝追御極之初盡伸前枉臣父霖拔自流離之 以侈榮遇以章先帝委寄待遇之隆而暈次未終齎 餘疏登清貫當因攝貳匠監抗章有請遂獲賜還若 終十有五札復以甲子紫日蓋辨明疑似不敢不詳

こりう 其他軼在人家散之族部者臣不能究悉誓軍此生 搜訪以補其遺庶幾帝王彌綸之 1.4.5 金守降湯 原闕 +

多方四母全世 金佗粹編卷三 卷 : 三 (

欽定四庫全書 坐部

詳校官編修臣范來宗

刑部即中一許水棒覆勘

校對官檢討臣 盧 遂 總校官檢討臣何思釣 謄録監生臣 楊簡中

辨證及姓源類譜曰唐堯時有四岳者佐堯理天下 崇寧二年癸未歲 五日先臣生名飛字鵬舉按鄧名世古今姓氏 先臣和遺事初歲遺事 岳珂 撰 食而猶欲求飽耶吾欲裁吾之僅有濟人之絕無耳 謂之曰彼饑者亦人爾而能一二日不食吾與若日 金定四届全書 Ð 有瘠田数百畝僅足廪食河北屢歉餓者多先臣和常 **皆韜迹不耀望雖出山陽郡先臣實家于湯陰亦莫知** 因 其餘呼道路之饑者均而飼之家人有不堪者先臣和 其所以徙自先臣成而下皆以力田為業及先臣和時 官以命氏實岳姓所自始其後支胄莫考九數千載 脱栗数升雜疏為糜與家人旦暮食取半飽盡以 再

卷四

飲定四車全書 雷以功名顯世位至公孤父因忽不見及生先臣之夕 氣節沉厚寡言性剛直意所欲言不避禍福資敏悟強 坐巨甕中衙濤而下來流減没饿及岸得免先臣少員 因名為未彌月黄河決內黃西水暴至姚氏倉皇稱抱 有大禽若鵠自東南來雅鳴于寢室之上先臣和異之 臣方在孕有老父過門聞姚氏之聲曰所生男也他日 者折券棄之無愠色雖甚窶乏未當悔鄉人重敬之先 有侵其地以耕者割而予之無爭意有貸其財而弗價 金化科編

答再發又中同人驚遂以其所愛弓二贈先臣後先臣 此而後可以言射矣先臣謝曰請武之引弓一發破其 同集衆射自眩其能連中的者三矢指以示先臣曰如 魁能引弓三百斤腰弩八石當學射于鄉豪周同一日 誦之則辨是非析義理若精思而得者生而有神力未 句一見得要領輒棄之爲言語文字初不經意人取而 記書傳無所不讀尤好左氏春秋及孫吳兵法或達旦 不寐家貧不常得燭畫拾枯薪以自給然於書不泥章

大にり見とは **泣于周同墓何也曰飛向者學射於周君而特與飛厚 徃視之盡見其所爲乃問之曰爾所從射者多矣獨奠** 臣和覺而索之點不言捷之亦不然後何其出而竊從 後酹酒盛內于家之側徘徊悽愴移時乃還衣就盡先 是軍中皆善左右射屢以是破敵鋒同與先臣别未幾 酒鼎肉于同家上奠之而泣引所遗弓發三矢又泣然 盆自練習能左右射随發斬中及為將亦以教士卒由 而死先臣往吊其墓悲慟不已每朔望則驚一衣設局 金佗释編

日有子如此吾無憂矣 使汝異日得爲時用其徇國死義之臣乎先臣應之曰 者周君所享飛不忍食也先臣和始甚義之撫其背曰 又問其故曰射三矢者識是藝之所由精也酹酒趣肉 金万口后台言 惟大人許飛以遺體報國家何事不敢為先臣和乃歎 不数日盡其道以歸念其死無以報聊於朔望致禮耳 宣和四年壬寅歲年二十 從敢戰擒陷俊賈進先臣和卒

飲定四軍全書 ! 進於馬上賊東亂莫知所為遂俘獲其東餘黨盡散 陽北賊乗勢追逐伏兵起擊所遣三十人自賊中擒俊 賊壘賊易其兵少出戰俊箕踞坐馬上嫚罵交鋒先臣 歸置于部伍先臣乃夜伏百人於山下自領數十騎逼 騎二百先臣預遣三十人易衣為商入賊境賊掠之以 真定府路宣撫劉翰募敢戰士備敵先臣首應募幹 殺略吏民官軍屢戰失利先臣請以百騎滅之豁與步 見大奇之使為小隊長相州劇賊陶俊賈進攻剽縣鎮 金伦科编

春三月賊闕 還湯陰執喪盡禮毀齊若不勝會朝廷罷敢戰士前命 相州王靖奏其功補承信即命未下得先臣和計既奔 竟不下先臣亦棄不復問 乗垣引弓一發貫吭而踣賊衆奔潰墅賴以全是歲枝 宣和六年甲辰歲年二十二 殺張超從平定軍 敢犯吾保耶起而視之超方恃勇直前先臣

騎突敵陣出入數四殺其騎將數人敵衆披靡不敢過 陽榆次縣阅敵謂之硬採猝遇敵衆騎士畏卻先臣單 夏六月路分季團練失其名知其勇以百餘騎檄往慶 平定軍為効用士稍擢為偏校 靖康元年丙午歲年二十四 宗澤 榆次規敵干大元帥府招吉情補承信即戰侍 御林轉寄理保義即戰滑州河上轉東義即隸

次定日事人在与 一

危他科編

今我以大元帥命招約汝曹此轉禍為福之秋也倩等 之曰强敵犯順汝曹不輔義以立功名反於草間苟活 宿食自領四騎徑入賊營羣賊駭愕先臣呼倩等慰諭 告身先臣又棄不復問間行歸相州冬高宗皇帝以天 周行管棚盡得其要領以歸補進義副尉會夜渡亡其 招羣賊吉倩等與以百騎先臣受命出日薄莫頓所部 至夜以敵服潜入其營遇擊刀手者謬學其語答之述 下兵馬大元帥開府河朔至相州先臣因劉浩得見命

批其頰應手仆地拔剱向之倩等羅拜請免相率解 7/1 17 mal /1417 機從劉浩解東京圍與敵相持於滑州南先臣東浩馬 殺其梟將轉成忠郎以曾大父諱寄理保義郎未幾以 鐵騎三百使先臣往李固渡當敵軍戰于侍御林敗之 受降凡三百八十人由是受知於大元帥補承信郎分 誅戮先臣開諭再三東已聽命忽一賊起搏先臣先臣 酒酣倩謂先臣曰倩等既騷動州縣今既受招恐未免 素知先臣名且感其至誠置酒延之先臣亦豪飲不疑 金七降海 申

敏定四库全書 -從百騎習兵河上河凍冰合敵忽至先臣麾其下日敵 擊之斬其首屍仆冰上騎兵乗之敵衆大敗斬首數千 雖東未知吾虚實及其未定擊之可以得志乃獨馳迎 級得馬數百匹以功速東義郎大元帥次北京以先臣 敵有泉將舞刀而前先臣以刀承之刃入寸餘復板 軍隸留守宗澤 靖康二年是年改丁未歲年二十五 戰開德轉修武郎戰曹州轉武翼郎宗澤授陳

擊敗之奪甲馬弓刀以獻轉修武郎二月戰于曹州先 春正月戰于開德以兩矢殖金人執旗者二人縱騎突 臣被髮揮四刃鐵簡直犯敵陣士皆賣勇無不一當百 7 統制隸杜充 圖從大元帥移南京上書奪官話張所借修武 山橋托卜雅爾烏殺哈芬大王歸宗澤充留守司 經即從王彥戰新鄉敗王索戰侯兆川戰太行 郎問門祇候中軍統領論两河照雲利害借武 金包辛品

掌兵不多使陣一定敵人得窥虚實鐵騎四踩無遗類 圖兵家之要在於出奇不可測識始能取勝若平原曠 大破之追奔数十里轉武翼即澤大奇先臣謂之曰爾 野猝興敵遇何暇整陣哉况飛今日以裨將聽命麾下 熟觀之乃定局耳古今異宜夷險異地豈可按一定之 裨尚可他日為大將此非萬全計也因授以陣圖先臣 勇智材藝雖古良將不能過然好野戰非古法令爲偏 見即置之後復以問先臣先臣曰留守所賜陣圖雅

金定四庫全書

一次已四重全書 綱黃潛善汪伯彦華不能承陛下之意恢復故雖迎還 盛彼方謂吾素弱未必能敵正宜乗其怠而擊之而李 主已足以伐敵人之謀而勤王御管之師日集兵勢漸 上書數千言大聚調陛下已登大實黎元有歸社稷有 先臣以所部從五月大元帥即皇帝位改元建炎先臣 第思之澤默然良久日爾言是也大元帥移南京複令 之常法然勢有不可拘者且運用之妙存於一心留守 矣澤曰如爾所言陣法不足用耶先臣曰陣而後戰兵 金化科编

越職非所宜言奪官歸田里秋八月詣河北招撫使張 所所一見待以國士借補修武郎問門祇候差充中軍 還京龍三州巡幸之韵乗二聖紫塵未久敵穴未固之 氣中原之地指期可複書奏大件用事之臣以為小臣 際親帥六軍進選北渡則天威所臨將帥一心士卒作 帥之臣戮力于外終亡成功為今日之計莫若請車駕 苟安之漸無遠大之略恐不足以繁中原之望雖使將 二聖奉車獨日益南又令長安維楊襄陽準備巡幸有 次三日里 白樓 論時事先臣慷慨流涕日今日之事惟有滅强敵迎二 語雙然起口公始非行伍中人也因命先臣坐促席與 已戰無可成之 功是以上兵伐謀次兵伐交樂枝曳柴 之用兵者皆曰吾力足以冠三軍然未戰無一定之畫 勝負之機也故為將之道不息其無勇而患其無謀今 以敗荆莫教採樵以致紋皆用此也所本儒者聞先臣 能敵人幾何先臣曰勇不足恃也用兵在先定謀謀者 領所掌從容問之曰聞汝從宗留守勇冠軍汝自料 金佗粹編

城或挠或救卒不可犯如此則敢人不敢窺河南而京 幾可無而四肢不可暫失也本朝之都汗非有秦關百 北視天下如珠璣天下視河北循四肢言人之一身珠 職是思而英得其要公常計之否先臣曰昔人有言河 列重鎮使敢入吾境一城之後復困一城一城受團諸 二之險也平川曠野長河千里首尾縣旦不相應接獨 聖復舊疆以報君父耳所曰主上以我招撫河北我惟 河北以為固首以精甲健馬馮據要衝深溝高塹崎

金少口月台重

人既得重賄陽諾其請收其糧食徒其人民與其素習 之士席悉而東付之以空虚無用之州國家以為熊雲 擇其要害而守之今童宣撫不務以兵勝而以賄求敵 養其兵因民以實其地因其練習之人以為嚮導然後 披諸關河北不歸則河南未可守諸關不發則無雲未 用兵爭境土有其尺寸之地則得其尺寸之用因糧以 師根本之地固矣大率河南之有河北猶燕雲之有金 可有間當思及重宣撫取熊雲事每發一笑何則國家

飲定四車全書 金化科編

既失莫可保守駸駸木已幸江幸淮皆未可知也招撫 四肢絕根本危矣異時勁敵既得河北又侵河南險要 河以往半為强敵之區又何以為招撫之地為招撫職 雲而不志諸關是以虚名受實禍以土疆資强敵也河 真我有矣則竭天下之財力以實之不知要害之地實 事計直有盡取河北之地以為京師援耳不然天下之 所據被俟吾安養之後一呼而入復墮喪敗攻取点 河北正亦類此今朝廷命河北之使而以招撫名越

飲定四車全書 速戰而更觀望豈真欲附敵耶彦默然強與置酒幕下 引所部鏖戰奪敵纛而舞之諸軍鼓課爭查遂拔新鄉 之日二市蒙塵敵據河朔臣子當開道以迎乗與今不 即命先臣從都統王彦渡河至衛州新鄉縣敵勢威彦 軍石門山下約房出戰不進先臣疑彦有他志抗聲謂 有姓劉者數於掌上畫斬字示彦彦不應先臣怒起獨 **誠能許國以忠禀命天子提兵壓境使飛以偏師從麾** 下所嚮惟招撫命耳一死鳥足道哉所大喜借補武經 金伦秤編

卒不來糧盡累日殺所乗馬以黎士間走彦壁气糧彦 當為必勝計不用命者斬及戰士卒重傷先臣亦被十 餘創與軍中皆死戰卒破之發士馬不可勝計夜屯石 擒千户阿勒班又與萬户王索戰敗之明日將戰侯兆 門山下或傳敵騎復至一軍皆幣唯先臣堅臥不動敵 不許乃引所部益北擊敵又戰于太行山投馬數十匹 川先臣預戒士卒曰吾已兩捷彼必併力來吾屬雖寡 多りで 拓跋葉鳥居數日復與敵遇先臣單騎持丈八鐵鎗

飲定四車全書一 之又戰于黑龍潭龍女廟側官橋皆大提擒女真李工 春正月合鞏宣赞失其名軍與金人戰于胙城縣大敗 幾澤死杜克代之 為彦所疑乃自為一軍歸宗澤澤命為留守司統制未 刺殺 敵帥黑風大王走其衆三萬敵軍破膽先臣自知 建炎二年戊申歲年二十六 **戰府城縣戰黑龍潭戰官橋擒李千户從問於** 保護陵寢戰汜水關戰竹蘆渡轉武功郎 金伦科编

突先臣雖馬左射應弦而斃敵衆亂官軍奮擊大破之 轉武功即 銳三百伏前山下令人各以薪屬交縛兩東四端髮火 又椒先臣留軍竹盧渡與敵相持糧垂畫先臣家選精 夜半皆舉敵疑援兵至驚潰先臣追襲大破之以奇功 月初三日與金人大戰于汜水關敵有騎將往來馳 渤海漢兒軍等送留守司秋七月從問勍保護陵寢 建炎三年已酉歲年二十七

設定四車全書 萬薄南薰門外鼓聲震地充拊先臣曰京師存亡在此 春正月賊首王善曹成張用董彦政孔彦舟率東五十 家渡戰鍾山戰廣德擒王權等戰漂陽擒渤海 棄京師戰鐵路步戰盤城擒馮道諫杜克戰馬 擒孫勝孫清轉武德大夫授真剌史說杜充勿 太師李薩卜 叔五孫海轉武略大夫借英州刺史解陳州圍 戰京師破王善等五十萬轉武經大夫擒杜 金忙释編 +=

亨以逛騎絕其剽掠之路發其餉卒牛驅善兵不敢復 出勢並狙二十一日戰干 掠充檄先臣從都統制陳淬合擊之先臣先命偏將岳 敗轉武經大夫杜叔五孫海等圍東明縣先臣與戰擒 騎横衝其軍賊軍果亂後騎皆死戰自午及申賊衆大 雖多不整也吾為諸君破之左挾弓天右運鐵矛領數 舉也時先臣所部繞八百人東皆懼不敵先臣謂曰賊 一轉武略大夫借英州刺史二月王善圍陳州恣兵出 清河大敗之擒其將孫勝孫

我有矣他日欲復取之非指數十萬之衆不可得也留 兵碩望且不守此他人奈何今留守一舉足此地皆非 社稷宗廟在京師陵寢在河南尤非他地比留守以重 棄京師之建康先臣說之日中原之地尺寸不可棄况 又遇善軍迎敵敗之單騎與去亨深入執載乃還杜才 清等以歸所降將卒甚衆轉武德大夫授真剌史夏四 中盖重圖之充不聽遂從之建康師次鐵路步與賊首 月又檄從淬合擊善衆六月二十日先臣次崔橋鎮西 Kal Dune / June 1 金伦释编

金丘四月至 成奔江西避竟不至滁而返冬十一月金人大舉兵與 進兵掩擊賊兵盡殪得其泉將馮進還所掠人於長盧 在長盧成遣輕騎五百襲奪之不獲掠寺僧百姓百餘 滁州充命王瓊討之瓊提兵至梁路徘徊不進其輜重 張用戰敗之至六合檄討李成破之于盤城成又退保 李成共鬼鳥江縣充閉門不出諸將屢請不答先臣叩 人劫取先臣裴凛犒軍銀絲先臣方渡宣化鎮聞之急 股間棘之日勃敵大盛近在淮南睥睨長 江包藏不淺

欠己可臣八二 東先通諸将皆清去獨先臣力戰會幕後援不至輜重 髙枕於此乎雖飛以孤軍效命亦無補於國家矣因流 涕被面固請出視師充浸應曰來日當至江滸竟不出 保諸將之用命乎諸將既不用命金陵失守相公能復 二萬從都統制陳淬與敵會戰方酣大將王瓊以數萬 卧新之勢莫甚於此時而相公乃終日宴居不省兵事 八日 敵由馬家渡渡江充始遣先臣等十七人領兵 一敢人窺吾之怠而舉兵來之相公既不躬其事能 金他秤編

當以忠義報國立功名書竹帛死且不朽若降而為敵 金分四月全書 餘將日凡不為紅頭巾者隨我於是傅慶劉經以軍從 軟出此門者斬音容慷慨士為感泣不敢有異志又招 形勝之地使强敵盗據何以立國今日之事有死無二 溃而為盗偷生苟活身死名滅豈計之得即建康江左 臣麾下亦有從之者先臣灑血勵衆曰我輩荷國厚恩 戰斬首以數千 百計諸將沟淘欲叛威方首亡為盗先 悉為清將引還士卒之食乃全軍夜屯鍾山遅明復出

充竟以金陵府庫與其家渡江降敵餘兵皆西北人素 其或不聽寧光殺我我决不能從汝曹叛衆皆幡然惟 籍呼之曰以爾等之東且強為朝廷立奇功取中原身 臣陽許之有頃其部曲首領各以行伍之籍來先臣按 呼曰惟統制命遂畫納之烏珠趙臨安府先臣領所部 慕先臣恩信有密白先臣願請為主帥而俱叛北者先 邀擊之至廣德境中六戰皆捷斬一千二百一十六級 受上賞乃還故鄉豈非祭耶必能前滌舊念乃可相附 マスコラ 見んごう 7 鱼饱科锅

將士常有飢色獨畏先臣紀律不敢擾民市井帶販 **燒毀七梢九梢砲車及隨軍輜重器仗乗其亂縱兵文** 先臣資糧于敵且發家赀以助之興士卒最下者同食 常時敵之簽軍涉其地者皆相謂曰岳爺爺軍也争 擊大敗之俘殺甚與駐于廣德之鍾村是時糧食罄匮 四十八人察其可用者結以恩信遣還敵中令夜斫營 擒女真漢兒王權等二十四人俘諸路剃頭簽軍首領 附前後萬餘人 入敵侵溧陽縣先臣遣劉經將千

多好四月至書

大きり馬という 格 知溧陽縣事渤海太師李薩巴等一十二人及千户昭 半馳至縣擊之殺獲五百餘人生擒女真漢兒軍敢同 盆饱碎编

金以近人人 金佗科編卷四 卷四